



ᐅᑕᑦᑲᐅᑦ ᐅᑕᑦᑲᐅᑦ  
ᐅᑕᑦᑲᐅᑦ

**NUTAQQANUT INULRAMIRNULLU**  
UQAQTIKHAANIK

REPRÉSENTANT DE  
L'ENFANCE ET DE LA JEUNESSE

REPRESENTATIVE FOR  
CHILDREN AND YOUTH

Titiqivikkut Quiquta 488, Iqaluit, Nunavut, X0A 0H0 | 867-975-5090 (1-855-449-8118) | contact@rcynu.ca | www.rcynu.ca

## TUHAQTITAUJUKHAQ

### Tuhaqtitauhainnaqtukhaq

Taaqhivalirvia 7, 2020

### **Nunavut Kavamanganin tukhiqtauhimajuq hulidjutikhat kiunikkut ihumakkut aanniaqtailinikkut ihariaginiit ukunani inulgammiinni Nunavunmiutat ihumagijaujuq “tamaat naammagijaungitpiaqtut” uumangga Nutaqqanut Inulramirnullu Uqaqtikhaanik Havagvingmin**

**Iqaluit, NU** – Kiudjutit pihimajun Nunavut Kavamanganin Nunavunmi Iihariaqpaalivingmillu (havagviit) naunaijihimajun tukhiqtamingnik hulidjutikhanik havagutikhanik ukununga inulrammiinnin-uqaqtauhimajunik pitquidjutikhanik piliuqhimajun uvani *Ihumavun Hugijaujukhat (Our Minds Matter): Una Inulrammiinnin-uqaqtauhimajunik Ihivriuqhiniq Ihumakkut Aanniaqtailinikkut Hanaqidjutikhat Inulrammiinni Nunavunmiutat (Ihumavun Hugijaujukhat)*, pidjutaanin Nutaqqanut Inulramirnullu Uqaqtikhaanik Havagvingmin tamaat ihivriuqhimadjutaani uvani ihumakkut aanniaqtailinikkut hanaqidjutikhanik inulrammiinnun, taimaaitun “tamaat naammagijaungitpiaqtut”.

Talvani unniudjuitiup tunidjutinganin May 2019mi, havakviit uqautijauvaktun tunihijukhat kiudjutinik ilaliutilugillu qanuriliurutikhanik tukhirutimingnik tuniutikhanik havagutikhanik pidquidjutinun talvuuna September 30-kut, 2019.

Una Nutaqqanut Inulramirnullu Uqaqtikhaanik, Jane Bates uqaqtuq, “Havagviga utaqqittiaqpaktuq havakhimmaaqhunilu taimaatun havagviit kiungitkaangata tukhirutinun pijumanikkut uqautimingnik, qaangiutivakhutik amigaittun nutqaqvigat tuninikkut kiudjutinik, taimaatun kiudjutit tunijauhimajut piqaqtun naamangittunik ilitturipkaidjutikhanik qanuriliurutikhanik havakviit tuniutikhanik havagutikhanik pidquidjutinun, taimaalu taapkuat ilitturipkaidjutikhat aallanguqattaraangat naliinni kiudjutini.” Kingulliqaakkut kiudjuti tunijaulihaaqtuq February 28, 2020mi.

Taapkunuunga titiqqidjutikkut pihimajuni, ilitturihimajugun angirutiqatigiigutiqaqtuq 6simi, ilainnangani angirutiqatigiigutiqaqtuq 5mi, angirutiqangittuq atauhirmi ukunani 15ni pitquidjutini piliuqtauhimajuni. Taapkunani pingahuni pitquidjutini, huli naunaijuittuq angiqatigiigutiqariaghaanik angirutiqangittaakhaanikluunniit.

“Tunihimajatka havagviit kiudjutait ihumagidjutimnik tautuktungalu tukhiqtauhimajut hulidjutikhat piqangittun piqpiarutikhanik, havakpiarumadjutikhanik, havaqatigiigutikhanik, ihumagijaunirniklu amigarnarnirnik taimaatun ihumakkut aanniaqtailinikkut ingulrammiit Nunavunmiutat pidjutikhainnik.”

---

**Talvuuna Ilauyukharnik Nuttaqqanun Inulramiingitlu Havakviangit (RCYO):** Tamna RCYOkut nanmnigiyauyuq nuttaqqanun inulramiinunlu uqaqtiyuq taima naunaiyaiyaangat Nunavut Kavamangit ikayuutikharnik munagiyaangatlu pidjutikharnik ihuaqtumiklu ihumagiyaaulaqtunik inulramiinun Nunavunmiutmi. Pulaaqlugut qaritauyaliqidjutikhangit uvani [www.rcynu.ca](http://www.rcynu.ca)

Una RCYO uqautihimajaaq ihumaginiq ilitturipkarhugu Kamisina Ministait Katimajiinni, malikhugu Ilanga 34(2) uvani *Nutaqqanut Inulrammirnullu Uqaqtikhaanik Maligaqmi.*

###

**Tuhaqtipkainikkuq Uqarvigijakhaq:**

Kim Foster

Atannguyaq Tuhaqtittiyinut Inungniklu Ilitturipkainiqmik

Uqaqtighaat Nutaqqat Inulrammiillu Havakviat

867-975-5091

kfoster@rcynu.ca